

10 kampung pesisir Sungai Pahang bakal pupus, hilang tarikan ekonomi

Oleh FAHMI FAIZ, 29 Ogos 2022, 7:00 am



Kampung Belimbing yang terletak di pesisir Sungai Pahang diancam kepupusan berikutan populasi penduduknya semakin mengecil ekoran tiada tarikan ekonomi. –UTUSAN/MUHAMAD IQBAL ROSLI

PEKAN: Kira-kira 10 kampung yang terletak antara Jambatan Paloh Inai dan Kampung Lubuk Paku sejauh kira-kira 50 kilometer di pesisir Sungai Pahang bakal pupus ekoran kehilangan tarikan ekonomi disebabkan penerokaan hutan dan perlombongan hingga menjejaskan ekosistem terutama di Tasik Chini.

Setakat ini sejak dari tahun 1960-an 15 buah kampung di kawasan terbabit telah disahkan lenyap daripada peta dan 10 buah lagi bakal menyusul jika kecenderungan generasi muda berpindah dan enggan bermastautin berterusan.

